

De Nadorster Füerversäkerung von 1849

149 Jahre: Alle für einen, einer für alle!

De Nadorster Füerversäkerung, de 1999 dat 150 ster Füerversäkerung. De giff dat nu all siet ´n 28. Oktober 1849. Öwer dissen Dag steiht in dat Protokoll schreeben:

Dat weer abends un all düster, Regen un Wind weihn um dat Dack von "Hilbers Wirthus" in Nadorst.

Damols un vandagen güng dat jümmers, ok bi use Versäkerung um Geld. De Währung um de Gründertied güng na de "Thaler Courant". Een Daler Curant weern 72 Groten un 72 Groten weern wedder 5 Schwarten. Grot un Grote geef dat damols as Geld twüschen de Elbe un de Schelde. Dar geef dat Ollnborger Groten, Holländer Groten und Bremer Groten. De Ollnborger Groten würden twüschen 1816 un 1836 in Billon prägt. Van 1875 an weer en Daler Curant 30 Silberroschen oder 300 Penn. So harr jedet Land sein egen Währung, awer dat weer Gold un Silber un keen Papier!

Damols um 1850 has ´n Beest 10 Daler, ´n Koh 20 Daler, ´n Swien 5 Daler un ´n Föhr Torf 1 Daler kost. Wer 100 Daler harr, weer damols ´n rieken Keerl.

Wenn man so de Namens von de Vereenskopp von 1849 bekiekt, find´t man dar ´n Masse von use Vörfahren, wo de Nanamen vandagen noch hier wohnt.

Dar harr de Schoolmester Ahlers ut Nadorst 52 Keerls losamentrummelt. Disse Koppel snackte öwer ne Gründung von ´ne Versäkerung gegen Füer. In dat Protokoll steiht, dat toerst de Statuten beslaten wurden. Un denn säen se, dat de Füerversäkerungsvereeren in de Landgemeende Ollnborg dat levende un doode Inventar versäkern schall. De Abend gung hen, de Koppel drunk ´n Schluck mittn ´anner un denn gungen se na Hus.

Se kämen awer all neeslang wedder tosammen, un de Koppel wurd jümmers gröter. So keem dat na un na, dat de Nadorster Füerversäkerung sick up de Gemeenden Ohmstä, Eversten, Osternborg, Deelee und Twüschenahn, Edeweicht un Wardenburg un ok um Wiefelstä, Rastä un Mooriem utbreeden dä. Vandagen is dat ok noch so, dat ´n paar Dusend Versäkerte vonn ´ne Hunte bit na Wiefelstä und von Friedrichsfehn bit Loy-Barghorn bi us versäkert sinn. Fröher weer de "Nadorster" ´n reine Füerversäkerung, vandagen is dat ne moderne Sachversäkerung.

1849 seeg dat in Dütschland gar nich good ut. Bit 1773 weer de Dänen hunntert Jahr hier un 1811 keemen de Franzosen. Us Herzog Peter Friedrich Ludwig weer na Russland utbüxt un keem, as de Franzosen wedder weg weern, so langsam wedder na Ollnborg torück.

Ganze acht Vörsitzende hett de Vereeren in de 149 Jahr hatt:

1849-1857 Scholmester Ahlers, Nadorst

1857-1860 Scholmester Wintermann, Nadorst

1860-1875 Scholmester A. C. Schelling, Ofen

1875-1912 Scholmester J. H. Engelbart, Hundsmühler Höchte

1912-1931 Landmann Carsten Albers, Nadorst

1931-1955 Koopmann Adolf Helms, Nadorst

1955-1964 Aukschonator Heinrich Hillje, Nadorst

1964-1996 Aukschonator Gerd Stolle, Nadorst

Siet 1996 Aukschonator Dieter Stolle, Nadorst

De Kasse hebbt föhrt:

1849 Helmerich Pophanken, Donnerschwee – 1856 Feldhüter Johann Hoes, Nadorst – 1861 Timmermann D. Schröder, Nadorst – 1862 Musikus Jan Schwarting, Nadorst – 1868 Scholmester Wintermann, Nadorst – 1872 Scholmester Schelling, Ofen – 1874 Landmann Fr. zum Buttell, Börgerfeld up ´n Ehnern. Von 1899 wäer de Vörsitzende ok de Kassenführer.

1863 kreegen de Utschußlud een up ´n Deckel. Up de Generalversammlung wurd festgestellt, dat bi dat Tosamenstellen von de Versäkerungssummen faken Fehlers upduken dän. Dar wurd beslaten: Wer verkehrt tosamenstellen deit, verfallt in sess Groten Brüche. Darföer geef dat dann Sluck un Beer för de Koppel.

De erste Brand weer an ´n 11. Mai 1852 bi Köler Ahlert Harms in Nadorst. He kreeg 144 Daler Curant utbetahlt. In dat Schadensprotokoll steiht unner annern 1 Beest 10 Daler – 1 Swien 5 Daler – Speck und Fleesch pro rata 15 Daler – Stroh up ´n Böen, 12 Schepel Hafer un 6 Schepel Rocken 30 Daler – 22 Tinnlöpel 66 Groten – 1 Schapp 20 Daler – 1 Disch 2 Daler.

Bit 1870 wurden Bidräge blot betahlt, wenn dat brennt harr. Harr dat nich brennt, weern de Lüd umsunst versäkert. Siet disse Tied brennde dat awers jedet Jahr.

Un wat is vandagen? An ´n 28. Oktober 1989 wurd de Europäische Rakete „Ariane“ in ´n Himmel schaten. De Geschichtsforscher hett anschienend recht, wenn he sä: De technische Entwicklung von ´n tweeten Weltkrieg bit vandagen is de Entwicklung vonne Steentied bit to ´n tweeten Weltkrieg gliektostellen. Bleeven is use Nadorster Füerversäkerung, de in all de 149 Jahren segensriek hulpen hett, wenn de Versäckerten ´n Schaden haarn. De Sparten inne Versäkerung sind mehr wurden.

Bleeven is awers de Wahlspruch

Alle für einen, einer für alle !

Verfasser: Gerd Stolle